



EDITOR:
Bonaire Communication Services N.V.

Djaweps 24 novèmber 2022 | Preis:\$1.00

KLIENTE DI FLAMINGO TV RABIÁ

Demokrat di alma



BONERIANO a kapta imágennan di dos siudadano ku ta para 'riba ku no tin mihó partido ku Demokrat. "Nos ta demokrat del alma. Otro partido no bin purba mes", ámbos siudadano ta bisa. Nan ta splika ku nan amor pa e partido polítiko ta biba den nan famia, di generashon pa otro.

xerox™

OBERSI
ELECTRONICS
BONAIRE

CHANGAN AUTO



f /dabboussimotors

Adaptashon
preis
di webu
importá

PAG:6

MANTENE BO
VEHIKULO OF
EKIPO DEN
KONDISHON
KU PIESANAN
KUMPRÁ NA NAPA



BLACK FRIDAY
SUPER SALE
TILES FROM
\$9.99 m²
VALID TILL THE END OF NOVEMBER
KAYA BONGO #8, NIKIBOKO ZUID
717 8707 / 796 8707
GARTISH #1 on the island



Simposio 'Huntu kontra Pobresa'

KRALENDIJK - Dia 23 di novèmber 2022 Entidat Públiko Boneiru huntu ku Reino a organisá e simposio 'Huntu kontra Pobresa'. Atendementu ku pobresa na nos isla ta eksigí un impulso amplio, un aserkamentu integral i hopi informashon di tur stakeholder ku ta okupando nan mes ku pobresa na Boneiru.

E simposio ta un di un seri di paso ku ta bai tuma pa yega na un aserkamentu integral pa prevenshon, kombatiementu i mitigashon di pobresa na Boneiru. Durante e promé simposio akí konseheronan di maneho di Entidat Públiko Boneiru, Asuntunan Sosial i Empleo (SZW) i e stakeholdernan ku ta direktamente enbolbí lo deliberá tokante e temanan entrada i gastu, edu-

kashon i trabou, i outosufisiensia. Aparte di esaki lo tin aktuashon di oradornan ku hopi eksperensia riba tereno di kombatiementu lokal di pobresa, manera Ak-seso, Forma, ROA, Mental Health, Unicef, Munisipio Tilburg i NVVK. Ku e promé simposio akí e organisadónan ke haña informashon pa realisashon di e maneho di pobresa pa Boneiru i prepará un konferensia ku lo tuma lugá na kuminsamentu di aña 2023.

Pa e konferensia menshoná lo amplia e esfuersonan, kaminda Entidat Públiko Boneiru i Reino ta bai invitá tur interesado den e ekstenso vèlt di trabou pa huntu duna kontenido mas aleu na un aserkamentu integral di pobresa pa Boneiru.

STINAPA ta buska entrante inmediatamente un

PARK MANAGER PA PARKE NASHONAL WASHINGTON SLAGBAAI

Stichting Nationale Parken Bonaire (STINAPA) ta responsabel pa e maneho di Parke Nashonal Washington Slagbaai. Parke Nashonal Washington Slagbaai ta e parke natural pa reservashon di naturalesa, mas bieu i mas grandi di Karibe Hulandes, ku ta risibí mas ku 60.000 bishitante pa aña i ta un atrakshon turístiko importante na Boneiru. Parke Nashonal Washington Slagbaai ta rekonosé pa e Konvenshon di Ramsar komo un área di naturalesa di interes internashonal.

KIKO BO TA BAI HASI?

E Park Manager ta responsabel pa e maneho di Parke Nashonal Washington Slagbaai, i ehekushon di e Plan di Maneho Parke Nashonal Washington Slagbaai 2022-2028 (<https://www.dcbd.nl/document/washington-slagbaai-national-park-management-plan-2022-2028>). E Park Manager ta kordiná proyektonan di protekshon di naturalesa den e parke i ta duna guia na e park rangernan.

KIKO NOS TA PIDÍ?

- Un formashon na nivel akadémiko (WO) finalisá;
- Por mínimo 5 aña di eksperensia di trabou relevante;
- Konosementu di protekshon di naturalesa;
- Abilidad den solushoná problema;
- Bon dominio oral i skirbí di e idiomaan hulandes, ingles, i papiamentu.

KIKO NOS TA OFRESÉ?

Un trabou variá na un organisashon ameno. Un kontrakt laboral di 40 ora, un salario kuminsando na USD 4,776 pa luna, i bon kondishon laboral sekundario (manera un di 13 luna, seguro di pinshon den kaso di un kontrakt fiho, i 22 dia di fakansi) i e ofisina mas bunita di Boneiru!

Manda bo karta di motivashon i bo CV pa mas tardá **4 di desèmber 2022** naar vacature@stinapa.org. Pa mas informashon tokante di e posishon, por tuma kontakto direktamente ku Jan van der Ploeg: director@stinapa.org. Pa mas informashon tokante STINAPA i Parke Nashonal Washington Slagbaai, bo ta haña riba nos wèpsait www.stinapa.org i riba nos página di Facebook.



Stichting Nationale Parken Bonaire (STINAPA) ta un fundashon na Boneiru ku ta manehá Parke Nashonal Marino Boneiru (inkluso Klein Bonaire) i e Parke Nashonal Washington Slagbaai. Nos ta manehá i protehá e parkenan akí pa naturalesa, komunidad i ekonomia lokal di e isla. Nos ta promové uso responsabel i duradero, di manera ku ta mantené nos naturalesa úniko pa nos poblashon i pa futuro generashonnan. Un naturalesa úniko bon protehá ta e motor di nos ekonomia.



Vacature

Wees het verschil wat je wilt zien.
Solliciteer nu!

Fiscaal Jurist
(beleidsadviseur C)

Meer informatie?



www.bonairegov.com/bestuur-organisatie/vacatures

AG&S Construcciones Bonaire B.V.

ta buska

2 Metselaar - 1 Uitvoerder

Pa mas inf. tel. **785-0949**

Esteban Construction & Services B.V.

ta buska

2 Metselaar

Pa mas info yama tel. **701-6501**

vacature

Commissaris BonLab

De Organisatie

Bonaire Laboratorium (BonLab) is een dochtermaatschappij van Bonaire Holding Maatschappij. De organisatie is belast met het uitvoeren van laboratoriumonderzoek, ten behoeve van onder meer de Volksgezondheid en Justitie. Namens de organisatie komen wij graag in contact met kandidaten op de volgende expertisegebieden:

- 1) HRM en Organisatieontwikkeling
- 2) Laboratoriumtechnieken/Exploitatie van een Laboratorium
- 3) Governance en/of juridische kennis

De functie

De RvC heeft binnen BonLab drie verschillende rollen: Die van werkgever, die van toezichthouder en die van klankbord. De RvC brengt specifieke ervaring en deskundigheid mee op het eigen vakterrein. U bewaakt een goede balans tussen enerzijds onafhankelijkheid als het gaat om uw rol als intern toezichthouder en anderzijds betrokkenheid als het gaat om de belangen van de organisatie en haar medewerkers. De belangrijkste vraagstukken voor de komende jaren zijn onder meer de efficiëntie van de bedrijfsvoering, verbetering van interne processen, de klantgerichtheid en belangrijke beslissingen over het voortbestaan en de continuïteit van de organisatie in welke vorm dan ook.

Uw profiel

U hebt een opleiding op tenminste HBO-niveau in een voor uw expertisegebied relevante richting. Daarnaast hebt u ook al een stevige werkervaring opgedaan, op basis waarvan u zich gemakkelijk een oordeel vormt over de diverse zaken waarmee u, uit vanuit het oogpunt van intern toezicht, te maken krijgt. U bent enerzijds onafhankelijk en vasthoudend, maar anderzijds uitstekend in staat om samen met andere professionals samen te werken in het belang van de organisatie. U beschikt over uitstekende communicatieve vaardigheden, u hebt gevoel voor politiek-bestuurlijke verhoudingen, u hebt een goed analytisch vermogen en u bent in staat strategisch te denken en te handelen. U hebt een uitstekende beheersing van het Papiamentu, Nederlands en Engels. Bij voorkeur heeft u al enige ervaring opgedaan als toezichthouder.



Uw sollicitatie:

Geïnteresseerd in deze functie?
Stuur dan uw sollicitatie en CV
vóór 1 December 2022 aan:
Linkels & Partners
T.a.v. drs. Harald Linkels
via mail: harald@linkels.com

Een compleet functieprofiel kan ook bij de heer Linkels worden opgevraagd.

Linkels & Partners
PSYCHOLOGISTS | TRAINERS | CONSULTANTS



KLIENTE DI FLAMINGO TV RABIÁ

KRALENDIJK— Kli-
enten ku ta aboná riba e
sistema di kabel di Flamin-
go TV ta rabiá pasobra nan
no por mira nan programa-
nan kustumá na TV Dirèkt
kanal 13 di Kòrsou. TV
Dirèkt a blòkia su señalnan
riba e sistema di Flamingo
TV. Indikashon di esaki ta
ku Flamingo TV no a bai di
akuerdo ku e dil ku Dirèkt
TV a ofresé pa derecho
riba weganan di mundial
di futbòl. Gerente di Fla-
mingo TV pa medio di un
deklarashon na un emisora
di radio lokal, a indiká ku
niun momentu so nan no
a risibí ningun petishon di
TV Dirèkt pa yega na akue-
rdo di derecho pa transmi-
shon di weganan mundial
di futbòl.

For di fuente ligá ku TV
Dirèkt, nos a bin haña sa ku
definitivamente gerente di e
kanal di televishon a aserká

gerente di Flamingo TV,
pero esaki no a bai di akuer-
do ku e dil ofresé ku komo
konsekuensia ku a blòkia e
señalnan.

Di otro banda klientenan
di TELBO sí por sigui dis-
frutá di e programashonnan
di TV Dirèkt riba MI TV.
Gerente di TELBO sí a bai
di akuerdo ku e dil di TV
Dirèkt pa derecho di trans-
mishon i asina a garantisá
ku su klientenan por sigui
risibí resepsion di e señal-
nan di TV Dirèkt.

No ta bai pa weganan
mundial di futbòl, pero
prinsipalmente grandinan
a kustumá wak nan novela
i awor no por wak esaki,
loke ta trese un frustrashon
grandi serka nan. Di mes
nan ta so na kas i ta entre-
tené nan mes ku novela.

Un kliente di Flamingo
TV no ta komprondé di kon
e kompania por laga su kli-

enten asina na kaya. Tur
luna religiosamente nan ta
paga, pa awor sin avisá no
por mira TV Dirèkt su pro-
gramashonnan regular mas.

E kliente ta skirbi: “Mi
mama no por wak su nove-
la, tin un otro kanal riba
kanal 13. Mi no sa ta di kon
Dirèkt TV no ta sali splika e
motibu i di otro banda Fla-
mingo TV tampoko ta spli-
ka e motibu.” Despues di a
bai buska drechi, e kliente
ta bini bèk ku e siguiente
remarke: “Mi a bai buska
drechi di e asunto di Fla-
mingo TV. Parse ku Fla-
mingo TV no ke a kumpra e
derecho pa transmití mun-
dial pa su klientenan na Bo-
neiru. Asina ta trata pueblo.
Semper ora di tumba tambe
mesun kos. Ta sinta, drumi
i warda kos pòrnada. Shon-
nan solo so ta sali pòrnada.
Nos ta paga pa nos kanal-
nan, inklui Dirèkt TV.”

Pakete di siguridat pa piskadó

KRALENDIJK – Awe
djaweps 24 di novèmber
PISKABON ta organisá un
evento pa piskadó boner-
iano. Danki na e suisidio
ku a haña di Prins Hendrik
Stichting, PISKABON den
koperashon ku Budget Ma-
rine, por a invertí den pa-
kete di siguridat amplio pa
piskadó.

E pakete ta konsistí di
entre otro un ‘drybox’,
salba bida, klechi pa tene
kayente, ‘flares’, kompas,
un pakete di promé ousilio,
‘GPS locators’ i kabuya.

Entrante promé di
yanüari 2023 tin reglanan
nobo ku ta dreña na vi-
gor ku piskadó mester bai
kumpli kuné pa nan propio
siguridat riba laman. PIS-
KABON ta duna e posibili-
dat na e piskadó pa yega na
e artikulonan nesesario pa
kumpli ku e reglanan nobo.

Piskadónan por pasa awe

djaweps entre 6’or pa 7’or
di atardi Yhannis Arepas,
patras di Budget Marine, na
Kaya Neerlandia.

Ta pone e paketenan na
disposishon di e miembro-
nan di PISKABON pa un
preis drástikamente redusí.
Esaki pa enkurashá mas
tantu miembro ku ta posi-
bel pa kumpra un di e pake-
tenan di siguridat akí.

Ku tin mester di mas
siguridat pa piskadónan di
Boneiru, a keda demostrá
na diferente okashon. Den e
lunanan tras di lomba dife-
rente biá tabata tin piskadó
nan pèrdi pa algun ora. Dor
di problema tékniko ku nan
boto, preparashon insufi-
siente, òf otro sirkunstan-
sianan, bida di diferente
piskadó tabata na peliger.
Aña pasá por kòrda ku asta
un piskadó a pèrdè i nunca
mas a haña sa mas di su
paradero.

Prins Hendrik Stichting
taun fundashon hulandes
establesé na 1874 ku e meta
noble pa kuida i brinda kui-
do na e piskadó i marinero
hulandes. Ku siensia pis-
kadónan hulandes atraves
di tempu ta dependé mén-
nos di yudansa, e idea a bin
dilanti na 2020 pa Karibe
Hulandes tambe por hasi
un petishon riba fondo di e
fundashon.

Na mei 2021 PISKA-
BON a risibí un suisidio
di 100 mil euro di Prins
Hendrik Stichting, pa por
ehersé diferente proyekto
na bienestar di e piskadó
boneriano. E proyektonan
akí tur ta pa engrandesé
PISKABON komo kopera-
tiva den representashon di
e piskadó, pero tambe pa
duna un man na e piskadó
i konservá e trabou noble di
piskamentu na Boneiru.

èxtra
...number 1
DI NOS E TA

Consuelo
Memorial

Kaya Maria C. Hellmund-Boom 11 • Bonaire • CN
T/F: (+599) 717 3243 (24h) • info@consuelomemorial.com •

Het enige dat blijft in deze wereld is liefde.

– **Ida Cicilia**

We love because He first loved us.
1 John 4:19

Is gaan rusten in de armen van God:

Mevr. Margaritha
Hermanegilda Cicilia



geboren op 12 april 1961 overleden op 18 november 2022
,beter gekend als JUFFROUW IDA. Zij was van 1979 tot
en met 2000 werkzaam bij Kresh Bon Kuido, waarvan de
laatste jaren als hoofdleidster. In 2001 was zij geëmigreerd
naar Nederland voor de toekomst van haar kinderen, sinds
2003 tot en met 2022 woonde zij aan de Goudvinklaan in
de wijk Ypenburg 's-Gravenhage.

Ouders:

Martha Sebastiana Cicilia†
Domingo Bernabela †

Kinderen:

Rogelio Cicilia
Naidy Cicilia
Richer Cicilia
Ronda Cicilia

Kleinkinderen:

Jushlino Koolwijk
Jorinsley Sam-Sin
Janicia Ceranic
Jerodean Lampe
Janoe Hufken
Jaylinn Cicilia

Zussen en broers:

Virgillio Cicilia † en kinderen
Olga Cicilia, echtgenoot en
kinderen
Antonia Cicilia en kinderen
Fidelía Cicilia en kinderen
Francisca van Asten, echtgenoot
en kinderen
Stella Cicilia, echtgenoot en
kinderen
Stellin Cicilia en kinderen
Alexander Cicilia, echtgenote en
kinderen

Collega's van Kresh Bon Kuido:

Anita Pietersz, Ann Martha, Christa Cicilia, Katty Thielman,
Krisma Paulina, Maricela Cicilia, Ingrid Euseña, Simona
Strikx, Ruth Marchena, Sharine Pikerie, Maria Janga,
Jeanette Paula, Ruthmilda Raphaëla, Laurita Booi,
Daniela Coffie, Madeline Dorothea, Detty Frans, Felicia
Koffy, Mamita Thomas, Mientje Goeloe, Rona Beukenboom,
Ariola Bernabela & Elka Mercera.

Overige familieleden:

Cicilia, Bernabela, Marchena, Yeboah, Dortalina, van Asten,
van der Zanden, Lake, Thielman, Cecilia, Mezzadri,
Nicolaas, Rosario, Mercera, Frans, Dortalina, Theodora,
Winklaar, Coffi, Engelhard & Sticks.
Mochten we eventueel in onze verdriet familienamen
vergeten zijn, excuses.

**Wij nemen op 26 NOVEMBER 2022 op de volgende
manieren afscheid van onze geliefde Ida:**

- **11:45 uur** **Ultimo rekorido**
- **13:00 - 15:00 uur** **Kondolensia**
- **15:00 - 16:00 uur** **Misa San Bernardo**
Catholica Church
- **16:00 - 17:00 uur** **Santana, Nos Sosiego**

**Na de uitvaart heeft familie geen behoefte aan
samenkomst.**

Sitio seif pa víktima di violensia doméstiko i maltrato di mucha

Boneiru i Aruba ta firma akuerdo

KRALENDIJK – Dja-mars 22 di novèmber Entidat Públiko Boneiru (EPB) i gobièrnu di Aruba a firma un Memorando di Akuerdo (Memorandum of Understanding – MoU) ku kua durante e tres añanan binidero e partidonan ta bai hasi esfuerso pa yega na un kolaborashon estrecho pa loke ta trata realisashon

di un sitio seif pa víktima di violensia doméstiko i maltrato di mucha. Resientemente na Boneiru a duna señal di inisio pa konstrukshon di e Family Justice Center (FJC) boneriano.

E kolaborashon entre e FJC na Boneiru i e FJC na Aruba ta pèrkurá entre otro pa asignashon di rekursu, manera organisashon di

treinen, seminario i enkuentro den koperashon estrecho ku otro inisiativanan den área karibense i hulan-des, pero e ta regla tambe interkambio di konosementu i eksperensia pa medio di programanan di interkambio.

Komienso di rekonstrukshon

Siman pasá a duna señal di inisio pa rekonstrukshon di e anterior sentro di bario na Antriol i konbertié den e FJC boneriano, ku na Boneiru ta bai karga e nòmber ‘Sentro pa Seguridat di Famia’. Un laso di kolabo-

rashon entre e diferente partnernan den e kadena ku tin di aber ku e tópikonan violensia doméstiko, maltrato òf eksplotashon. Via un presentashon 3D e presentenan por a haña un impreshon di e futuro edifisio.

Diputado Nina den Heyer a papia ku e habitan-tenan di bario i e partnernan di kadena: ‘Mi ke gradisí tur hende ku a kere den e proyekto akí i a hasi esfuerso pa realisá tur esaki. Nos tur sa kon doloroso por ta pa un víktima, pa serka kada instansia e tin ku konta su storia kada biaha di nobo. Ku binida di e Fam-

ily Justice Center esaki no ta nesario mas. Awor akí den un solo biaha e víktima por haña e ayudo adekuá.’

El a indiká mas aleu ku durante e periodo tras di lomba a duna atenshon completo na e kolaborashon entre e tim i e partnernan di kadena, pa medio di entre otro partisipashon na e treinenan konhunto. ‘Ku binida di e edifisio akí nos ta un paso mas aleu den e kolaborashon akí’, segun Den Heyer den su diskurso. Na Boneiru entrega di e Family Justice Center lo tuma lugá den e di dos mitar di aña 2023.



Kampaña mundial di Coca Cola

KRALENDIJK – Coca Cola ta inisiá su kampaña pa mundial di futbòl 2022 na Boneiru ku premionan grandi, artikulo fantástiko i donashon na Federashon Futbòl Boneriano (FFB) di 200 bala di futbòl.

Disfrutá di Coca Cola, spar i kambia tapa di oro pa vários premio, manera tas i beker di Coca Cola, tas i bidòn di Powerade i pèchi di Adidas.

Tambe por kambia tapa pa lòt i partisipá den e rifa grandi kaminda por gana un 4x 55" Smart TV dia 1 di desèmber, òf un outo

Volkswagen Saveiro dia 29 di desèmber.

Konsumidó por kambia nan tapa pa diferente item na Best Brands Bonaire,

situá na Kaya industria i alabes registrá pa e rifa. Esaki ta posibel entre djaluna pa djasabra, for di 8’or di mainta te 5’or di atardi.



“E ta den Nos Naturalesa”

KRALENDIJK- Dja-sabra awor 26 di novèmber lo bai tin e siguiente edishon di e evento kultural ‘Nos Zjilea’ na Mangazina di Rei ku e tema “E ta den Nos Naturalesa”. Segun Peter Verweij di Universi-dat di Wageningen i Julian-ka Clarendra di fundashon

ECHO naturalesa inklusivo ta un aserkamentu ku por yuda Boneiru den su afan pa ta un isla duradero.

Naturalesa inklusivo por krea resultadonan positivo tantu pa naturalesa komo e hende. Peter Verweij lo presentá e resultadonan di e sondeo ku a wòrdu hasi den un forma di un vishon kon a isla di Boneiru por ta na aña 2050. Naturalesa inklusivo ta un manera di biba i traha ku ta benefisiá nos naturalesa i por medio di esaki nos mes. Dor di traha huntu ku naturalesa e rikesa na mata i bestia ta bira mas grandi i tambe nos tera ta bira mas fértil. Esaki ta e base pa yega na un ekonomia mas sano i duradero. Komo parti di e programa Julianka Clarendra lo duna un presentashon tokante di e benefisionan ku naturale-sa inklusivo tin pa e hende.

Dimes nos Marshe Kri-oyo no por keda afó ku su produktonan fresku i lokal manera ku bo a kustumbrá kuné. Lo bai tin entre otro djus natural, tenan natural pero tambe kos dushi, arte lokal i hopi mas.

Kushina ta habri for di

10’or di mainta pa keinta e stoma ku un dushi sòpi. Pa mèrdia bo por haña dife-rente plato krioyo i grill manera bo a kustumbrá kuné. Banda di e stènt nobo di sòpi krioyo tin tambe un stènt speshal pa platonan ku piska. Wak pa bo no pèrdè nan. Masha dushi mes. Tur esaki den un dushi ambien-te ameno ku presentashon-nan “LIVE” di “Dairon i su entertainment band” i “Wa-tapana”.

Ban brasa, selebrá i kompartí nos dushi kultura na ‘Nos Zjilea’, é evento kultural di tur luna, dja-sabra awor 26 di novèmber

di 10 ‘or di mainta te ku 3 ‘or di atardi na Mangazina di Rei. Pa un programa mas detayá por bishita e Face-book Fanpage di Manga-zina di Rei.

“E ta den nos Natura-lesa” esaki ta e lema nobo di Boneiru. ‘It’s in our na-ture’. Ku su paranan mane-ra warawara i lora, palunan endémiko manera wayaká i hoba pero tambe koral i kokolishi, Bonaire su na-turalesa ta úniko. Pero e tin su desafionan tambe. Asina tin temporadanan ku hopi sekura i kaminda ku rosa mondi áwaseru por laba tera fértil bai kuné laman

MIRA, SINTI & GOSA DI E DUSHI KULTURA DI BONEIRU

Djasabra, 26 di novèmber di 10’or di mainta te ku 3’or di atardi na Parke Kultural Mangazina di Rei

Tema di luna: “E ta den nos Naturalesa” ku Julianka Clarendra i Peter Verweij

Evento Kultural **NOS Zjilea** Outéntiko i tipiko di Boneiru

GOBIERNU DI BONEIRU CORAL CASINO BONAIRE IT Connection Liltman's

SABIDURIA I KOMPRENDEMENTU - II

Ayera nos a splika Sabiduria (e abilidad pa pone komprendementu na praktiká) i Komprendementu (konosementu/inteligensia) i awe nos ta bai wak algun miembronan spesial di nos kurpa presioso ku nos mester warda ku Sabiduria i Komprendementu:

Kurason - Fuente di bida: “Warda bo kurason riba tur kos, pasobra e ta e fuente di bida.” Proverbionan 4:23

Boka i lepnan - Medio di komunikashon: “Kita for di bo un boka engañoso, i tene lepnan pèrvèrso leu for di bo.” Proverbionan 4:24

Wowo - Fuente di bista: “Laga bo wowo wak règt bo dilanti; laga bo klèp di wowo keda fihá stret bo dilanti.” Proverbionan 4:25

Pianan - Medio di transporte personal: “Mira bon unda bo pianan ta hibabo, e ora ei tur bo kamindanan lo keda stablesí. No bira ni na man drechi ni na man robes; tene bo pia leu for di maldat.” Proverbionan 4:26,27

Enkurashamentu: Sigui atkirí Sabiduria i Komprendementu, pues semper pone na praktiká loke bo siña. Esaki te asta por ta aplikabel dor di pasa e informashon ku bo a siña na un otro persona. E ora ei bo por ta un persona ehemplar i eksitoso.

Kiko bo ta hasiendo ku bo miembronan spesial? Bo ta un modelo di sabiduria?

Gilda Beukenboom-Sintjago

Produkshon PGM

EXECUTIEVERKOOP

Op woensdag 25 november 2022, om 10:00 uur, vindt een openbare verkoop plaats.

Aangeboden:

Volkswagen Golf bouwjaar 2004 en woonhuisinboedel

De auto en woonhuisinboedel is 30 minuten voor de verkoop voor een ieder te bezichtigen. De verkoop, in opdracht van de ontvanger van de Belastingdienst Caribisch Nederland vindt plaats op het adres: **Kaya Kobalt 3 A (Santa Barbara)**

Belastingdeurwaarder belast met de executie **Arnaud, Jaregino Ashiko.**



Programanan di Bonaire.tv

TELBO kanal 70

Flamingo TV kanal 23

Djaweps 24 novèmber 2022

12.00 Aktualidat:	Nort van Hulten
13.30 Aki Boneiru:	Revélo Retònde Sùnnan
14.00 Herensia:	Hyacintho Bonifacio Martinus
15.00 BAPA:	Ria Heitkönig
16.00 Herensia:	Bernardo (Ben) Laken
17.00 Aki Boneiru - Gielmon (Funchi) Egbregts	
18.00 Herensia:	Anton Burleson
19.00 BAPA:	Wini Poulo
20.00 Programa Politiko MPB episodio 5	
20.30 Dokumental:	Herensia Sindikalismo Boneriano
22.00 Herensia Curacao:	Ilfredo (Fechi) Regales
23.00 BAPA:	Alison Isebia

Tur mèrdia 12’or ta kuminsá un programashon nobo di 4 ora. E programashon aki ta ripití pa 24:00.

HUSTISIA



Segun nos fuente:

“OM tin retraso den su trabou”

KRALENDIJK- Tin indikashon ku Ministerio Públiko (OM) tin retraso pa ku algun di nan tarea. Di nos fuente nos a komprondé ku tin vários persona ku a risibí un kastigu di prizòn pero ku ainda OM no a ehekutá. BONERIANO a tuma kontakto ku OM riba e punto aki.

Roderick Gouverneur, komo bosero di OM ta splika ku mester realisá ku


e kapasidat di detenshon na Boneiru ta limitá. Instituto Hudisial Hulanda Karibense (JICN) komo prizòn di Boneiru tin kapasidat pa enkarselá 113 detenido.

“Mester trasladá detenidonan di Saba i Statia pa aki, komo ku nan no tin prizòn. Pues nos kapasidat ta limitá i tin bia tin mas detenido ku tin lugá. Esun ku ta afó tin ku keda ‘fó un ratu’, e ta amplia.

Banda di esaki, a bin

dilanti ku OM ta tarda pa trese un kaso dilanti hues. “Tin echonan ku a sosede for di 2018, 2019, 2020 ku praktikamente a keda den lachi, sin nunca bin dilanti”, nos fuente ta bisa.

Gouverneur ta splika ku semper tin un kantidat di kaso penal ku no ta bai korte mesora. “Komo OM nos ta dependé di e kapasidat di korte pa por atendé tur kaso. P’esei e periodo aki por nota ku ta trata un



tiki mas tantu kaso ku normal pero, esei ta algu fuera di komun. Semper nos ta dependé di korte pa por hiba e kaso dilanti hues”, e ta enfatisá.

Adaptashon preis di webu importá

KRALENDIJK - E preis aktual pa webu di galiña importá ta data for di 2017.

Den luna di yùni 2022 importadónan di webu di galiña a entregá un petishon pa adaptashon di e preis di benta por mayor i por menor a base di e preis di kompra ku a oumentá. A usa e informashon optené komo base pa adaptashon di e preis máksimo pa webu di galiña ku no ta produsí na Boneiru.

Ku e meta pa hasi disponibilitat di webu di galiña importá posibel riba merkado lokal pa kombati e skarsedat di e último lunanan, Kolegio Ehekutivo a disidí pa entrante 25 di novèmber 2022 adaptá e preis di benta por mayor i

por menor di webu di galiña importá. E preis di benta por menor pa webu lokal no ta kambia.

Entrante 25 di novèmber 2022 e siguiente preisnan di benta pa webu di galiña ta bálido'. Preis di benta por mayor pa webu di galiña ku no ta produsí na Boneiru: Ku un peso di 730 gram òf mas pa dozein, inkluso empake 3.28 dòler.

Ku un peso di ménos ku 730 gram pa dozein, inkluso empake 3.21 dòler.

Preis di benta por menor pa webu di galiña ku no ta produsí na Boneiru:

Ku un peso di 730 gram òf mas pa dozein, inkluso empake 3.46 dòler.

Ku un peso di ménos ku 730 gram pa dozein, inkluso empake 3.38 dòler.



SOLUSHONNAN ESTATAL NOBO

11

NEUTRALIDAT

Plegá si ta hasi'é i plegá si no ta hasi'é

****Sí e Union Nobo di Aruba, Kòrsou i Boneiru ta opta pa neutralidat, kiko nos lo ta: kobarde òf prudente? Irlanda tabata kobarde pa keda neutral durante Segunda Guerra Mundial? Segun Inglatera sí: kobarde! Pero Irlanda tabata un nashon nobo, muchu chikitu i mal ekipá pa defendé su mes. Pues pa nan e tabata un simpel kestion di prudensia.**

Oké. Nos a kontestá e pregunta awor? Klaro ku nò. Pero nos islanan ta asta mas chikitu i muchu mas mal ekipá ku Irlanda. Bèrdat ta ku Reino ta forma parti di NATO, ku normalmente lo spanta mayoria di nos potensial enemigunan. A ménos ku e tersera guerra mundial ta estayá.

I netamente GM-III ta e úniko senario real ku nos mester tene kuenta kuné. Pasobra bou di sirkunstansianan aktual, niun pais lo no ataká nos islanan si nos a keda ofisialmente rekonosé komo teritorio neutral.

Pues, kiko nos tin ku skohe? Ban wak e kaso di Costa Rica promé. Na 1948, despues di viktoria den un guerra sivil, e hunta di Costa Rica, enkabesá pa José Figueres Ferrer, a disidí pa abolí e ehérsito. Na 1949 e de-militarisashon a keda ankrá den e konstitushon kostarikeño. Despues di e guerra sivil (ku 2,000 morto), Costa Rica nunka a eksperensia violensia polítiko serio mas.

E sèn ku antes Costa Rica tabata presupuestá pa e ehérsito, awor ta usa pa seguridat, edukashon i kultura.

Na 1983 Costa Rica a proklamá ofisialmente ku e ta un Estado Neutral 'perpetuo, aktivo i desarmá'. Costa Rica a mantené su derecho pa defendé su mes i ta promové demokrasia aktivamente.

Awor, e doktrina federal di soberania dual por ta e base legal ku ta duna e Union Nobo di Aruba, Kòrsou i Boneiru e derecho pa opta pa neutralidat. Pasobra, en prinsipio, un estado federal ta soberano. Ounke esei ta bèrdat, nos ta kere ku pa e asunto aki nos no mester dal bai nos so sin sosten di Hulanda. Pasobra defensa ta un

Asuntu di Reino (art. 3, insiso 1, sub a Statút). Nos no ta rekomendá pa kambia esei.

Pero nos por imaginá ku Hulanda mes ta mira ku ta bentahoso pa deklará neutralidat di e Union Nobo di Aruba, Kòrsou i Boneiru. Pasobra, dikun provoká paisnan manera Venezuela? Ademas, realidat ta ku pa Hulanda e ta basta kostoso i hopi difisil pa defendé nos islanan efektivamente. I tin un punto chikí mas: e Tratado di NATO no ta apliká na nos islanan.

Artíkulo 6 ta bisa: 'Pa aktivá artíkulo 5, un ataka armá riba un òf mas di e miembronan ta inklui un ataka armá:

- riba e teritorio di kualkier miembro na Europa òf Amérika di Norte, riba e departamentonan algeriano di Fransia, riba e teritorio di Turkia òf riba e islanan bou di hurisdikshon di kualkier di e miembronan den a área Nort-Atlántiko, nort di e trópiko di kanser;

Wèl, Aruba, Kòrsou i Boneiru ta situá leu bou di e trópiko di kanser. Pues, ofisialmente nos islanan no ta forma parti di e teritorio di NATO.

Nos ta kere ku den kaso di un ataka riba nos islanan, e tratado lo no keda interpretá asina estrikto. Pero e teksto mes sí ta eksklui nos islanan for di e teritorio ku NATO ta obligá di defendé.

Nos tambe a keda totalmente babuká ora nos a deskubrí esaki. Nos no ta sugirí ku e echo klaro akí ta un argumento pro neutralidat. Nos simplemente ta kere ku neutralidat tin mas bentaha ku desbentaha, tantu pa Hulanda komo pa nos islanan. Tantu den sentido polítiko komo finansiero.

I den esaki nos no ta para nos so. Resolushon 71/275 di Asamblea General ta bisa ku neutralidat ta 'hopi importante pa Nashonnan Uní por gana i mantené e konfiansa i koperashon di tur, pa por operá independiente i efikasmente, sobre todo den situashonnan polítikamente kargá'.

Pues, sí Hulanda ta kompartí e opinin akí, nos por sigui e ehèmpel di Costa Rica i tambe keda aktivamente neutral. Pues promové demokrasia i ofresé sosten na Nashonnan Uní tur ora ku nos por.

I nos por sigui otro ehèmpel di Costa Rica. En bes di gasta e sèn presupuestá pa defensa, nos por gast'é na kultura i edukashon. Pasobra konforme artíkulo 35, insiso 2 di Statút, Aruba, Kòrsou i San Martin, ta obligá pa kontribuí na e presupuesto pa defensa.



Nos sí ta rekomendá pa mantené Wardakosta pa lokual Aruba ta kubri 11%, Kòrsou 16% i San Martin 4%.



MONCHI & TONCHI

Tonchi, Marie a bin for di Aruba straño. Parse el a haña su 'soulmate'.

Awèl sí. Ami a kere ta pa trabou el a bai Aruba..



KOLOFÓN

Editor Bonaire
Communication
Services N.V.
Kaya Irlanda 12,
Tel. 717-8482

E-mail:

extrabon@gmail.com

Wèpsait:

www.extraboneiru.com

Facebook: Extra Boneiru

Direktor
Shirley Martis
785-3824
796-3824

Hefe di redakshon
Nathaly
Evertsz-Ipcendencia

Redakshon
Papi Antoin
Davienuska Janga
Velli Gijsbertha
Edson Pietersz
Ibi Piar (deporte)

Partner na Aruba
Awe Mainta

Partner na Kòrsou
Extra

Layout
Davienuska Janga
Maya Beaumont

Konsehero:
Bòl Antoin
786-6818
Aviso
avisobon@gmail.com

Invitashon pa duna opinion

Revishon di e plan di desaroyo espasial boneiru

KRALENDIJK – Kolegio Ehekutivo a aprobá un pre-diseño di e di 12 revishon di e Plan di Desaroyo Espasial Boneiru (Ruimtelijk Ontwikkelingsplan Bonaire - ROB).

Awe, 24 di novèmber interesadonan por asistí na un seshon pa skucha opinion pa haña informashon tokante e kambionan den

e Plan di Desaroyo Espasial Boneiru ku nan ta bai entregá na Konseho Insular pa stipulashon.

No ta trata di un revishon integral di e Plan di Desaroyo Espasial Boneiru, pero un revishon riba sierto puntonan.

Ta trata di ubikashonnan i tópikonan di kua por haña e bista general riba

<https://www.bonaire-ro.nl/>.

Durante e seshon di duna opinion e presentenan ta haña oportunidat pa hasi pregunta i duna nan opinion.

E seshon di skucha opinion ta tuma lugá riba djaweps 24 di novèmber di 17:00 or pa 18:30 or den sala di reunion di Direkto-

rado di Planifikashon i Desaroyo na Kaya Amsterdam 23.

For di djabièrnè 25 di novèmber e diseño di e di 12 revishon di e Plan di Desaroyo Espasial Boneiru ta disponibel durante 30 dia pa tur hende mira.

Durante e término akí tur hende por entregá opheshon kontra e diseño di revishon.

Por entregá opheshon na Konseho Insular.

Mester manda opheshon por eskrito, ku motivashon i ku nòmber i adrès ariba pa Konseho Insular di Entidat Públiko Boneiru, pa medio di intervenshon di direktor di Direktorado di Planifikashon i Desaroyo (R&O), Kaya Amsterdam 23.

AFBW ta kumpli 56 aña di eksistensia

KRALENDIJK – Dia 22 novèmber e sindikato AFBW a kumpli 55 aña di eksistensia. Pa e okashon aki, AFBW a introdusí tambe 'Pikòp sindikal AFBW'.

AFBW ta kere den fasilidatnan i ekiponan pa por duna mihó servisio na su miembronan.

Aña 2022 tabata un aña di hopi reto i hopi trabou pa

AFBW, direktiva di AFBW por mira bèk riba un aña 2022 hopi positivo i ku hopi logro pa ku e klase trahadó.

Fasilidatnan i ekiponan ta importante den e mundu moderno di sindikato.

Mester tin un kas òf un kantor sindikal, mester tin un lokalidat pa duna lès i salanan di reunion pa por reuní ku miembronan.

Aparatonan moderno di komunikashon no por keda afó den e mundu moderno aki.

Tambe ta di sumo importansia, un vehíkulo sindikal pa por move kuné, sigur si bo mira na kuantu organisashon AFBW tin representashon i ku mester hiba diferente bishita na e organisashonnan aki.

AFBW su direktiva a opta ku no por sigui hasi uzo di vehíkulonan personal, AFBW ta un sindikato sólido i ku ta apliká su sta-

tuto i regla di kas. Un sindikato ku tur su kosnan ta na òrdu, un sindikato ku ta parti su relato finansiero na tur su miembronan i tambe na organisashonnan kamin-da ku e tin representashon.

AFBW su relatonan finansiero ta wòrdu aprobá pa un akountent rekonosé.

Direktiva lo sigui duna servisio na miembronan i e klase trahadó manera e la bini ta hasi kaba.

AFBW ta hasi un yamada na miembronan pa por postulá nan mes pa

elekshon di direktiva 2022 – 2025.

Direktiva kier yama tur miembro danki di ta forma parti di e famia grandi di AFBW.

AFBW ta pidi e klase trahadó ku no ta afiliá na un sindikato pa por hasi esaki den forma kolektivo.

AFBW ta gradisí tur e trahadónan ku a buta nan konfiansa den e sindikato aki i ta pidi tur trahadó pa keda den Union, paso den Union tin Forsa.



VACATURE

Autospuiter/ Automonteur bij AB Car Rental

Functie omschrijving:

- Je zorgt voor reparaties van schades en roestbehandelingen aan onze verhuurauto's;
- Je bent gediplomeerd autospuiter;
- Je zorgt er voor dat onze verhuurvloot er altijd netjes bij staat

Functie eisen:

- Je hebt MBO niveau schadeherstel en/of een diploma auto spuiter of minimaal 5 jaar ervaring in een vergelijkbare functie.
- Je beschikt over rijbewijs B
- Je spreekt Nederlands, Papiamentu en/of Spaans.

Wat bieden wij jou?

- Een 45-urige werkweek
- Passend salaris bij de functie

Je sollicitatiebrief voorzien van C.V. die je **voor 01 december 2022** te richten aan naar Oscar@abcarrental.com, ter attentie van de heer L. Berkenbosch. Voor vragen kun je bellen naar +599 717 8980. Meer informatie over ons vind je op www.abcarrental.com.

Ed Nijpels ‘Kwartiermaker’ mesa di klima

KRALENDIJK -- Kambio di klima tin efekto rònt mundu, pero sigur na Karibe Hulandes e impakto di cambio di klima ta grandi i inmediatamente tangibel. Na mes momento e islanan ta ofresé tambe oportunidat

grandi pa prueba kon por enfrentá cambio di klima. Ku e ambishon aki ta establese e mesa di klima Boneiru. A selekshoná drs. Ed Nijpels pa yuda establese e mesa di klima mirando su eksperensia amplio komo

èks presidente di e akuerdo di energia i konsulta di progreso Akuerdo di Energia.

Isla chikitu manera Boneiru hopi biá ta esun ku komo promé ta nota e konsekuensianan di cambio di klima. Pa e motibu akí ta hopi importante pa e islanan dentro di Karibe Hulandes bira mas sostenibel i resistente kontra e klima ku ta kambia.

Ku esaki tin nesesidat pa un plataforma sentral ku ta trese tur konosementu i maneho relevante dirigi riba adaptashon i mitigashon huntu i for di kua ta prepará selekshon di maneho. E nesesidat akí a pone Kolegio Ehekutivo yega na e desishon pa inisiá un mesa di klima.

Gabinete a puntra Nijpels pa fasilitá establesementu di e mesa di klima. E lo wak kon i den kua forma por krea e mesa di klima pa Boneiru. E trabounan lo inisiá huntu ku un lider di proyekto lokal, ku sosten for di entre otro e Entidat Públiko i Gobièrnu di Reino.

Ta e intenshon pa despues di seis luna tin un propuesta riba mesa pa un plan di organisashon i un agenda stratégiko.

E ‘kwartiermaker’ tambe lo investigá e posibilitatnan pa un mesa di klima na Saba i Sint Eustatius.

Minister Jetten: “Nos no por lubidá ku Karibe Hulandes ya ta pará den e promé liña di e cambio di

klima. Den bon kolaborashon ku Nijpels i Kolegio Ehekutivo, mi ke sigurá ku awor sí nos por pone paso pa hasi e islanan den parti karibense di Reino mas sostenibel i resistente kontra e konsekuensianan di cambio di klima. Ku konosementu i eksperensia hulandes nos por hasi Karibe Hulandes un ehèmpel pa islanan insular vulnerabel rònt mundu.”

Diputado Kroon: “Investigashon resien ta suprayá e vulnerabilidat di e islanan manera Boneiru un bes mas i e nesesidat i urgensia pa tuma medida awor. Nos ta kontentu ku e binida di Nijpels pa yuda nos establese e mesa di klima pa por logra un enfoke kordiná.”




Orco Bank ta kontribuí na Crossing for Prevention i Fundashon Prevenshon

KRALENDIJK/ WILLEMSTAD – Orco Bank komo spònsor orguyoso di Crossing for Prevention, a hasi un donashon adishonal na Fundashon Prevenshon na The Pier na Caracasbaaiweg wikènt ku a pasa. Riba djasabra, 19 di novèmber 2022, Deaxo Croes, Arubano ku ta ta landa riba laman ganchu, a landa un distansia i lokalidat históriko entre hermana islanan Boneiru i Kòrsou. Total Deaxo a kubri 53 kilometer di distansia den laman Karibe, di kosta wèst di Boneiru pa punta ost di Kòrsou. Deaxo a kuminsá landa den oranan trempan di mardugá di djasabra (2’or) i a yega Oostpunt alrededor di 4’or di atardi riba e mesun dia! Un desempeñu inkreibel i bunita gesto di Deaxo! Deaxo su soño tabata pa inklui Boneiru i Kòrsou den su kousa pa krea konsenshi

pa e malesa di kanser i tambe promové a trabounan masivo ku organisashonnan lokal ta hasi, sin kansa i sin falta! Crossing for Prevention ta un aktividat pa krea konsenshi i buska finansiamentu di komunitatnan

lokal pa fundashon nan ku enfoke riba pashènt di kanser. Orco Bank, representá pa Désirée Alberto, Managing Director, ademas a hasi un donashon adishonal na Fundashon Prevenshon. Orco Bank ta para firme

ku pashèntnan di kanser i ta tene e lucha bibu! Orco Bank ta sigui hasi esfuerso pa brinda e mihó servisio bankario na su klientenan. Mas ainda, ta duna kontribushon na e komunitat di Boneiru ku entusiasmo!



Kòrsou tin diferente sitio históriko ku tin di aber ku Segundo Guera Mundial. Un di nan ta Kustbatterij Steenrijk. Un grupo riba e isla ei ku ta yama su mes' Speurneuzen' a bishitá e sitio aki algun dia pasá. Miembro di e grupo François van der Hoeven a skirbi un relato.

Eksplorashon

François ta e úniko miembro di e grupo ku a yega di bishitá e ruinan di Kustbatterij Steenrijk anteriormente. Pa tur otro miembro tabata nan promé biá.

A pone komo meta pa alkansá diferente parti di e batrei, pero áwaseru a stroba e plan di realisá.


Hulanda un par di aña promé ku Segundo Guera Mundial a disidí pa konstruí batrei na kostonan di Kòrsou i Aruba pa defendé no solamente e islanan, sino e respektivo refinerianan. Pa esaki a kumpra seis kañon grandi serka

inglesnan ku kier a proveé nan barkunan di guera ku otro tipo di kañon. Asina un entrega di kañonnan hopi pisá di barku a sali direkshon Kòrsou i Aruba, tres pa kada isla.

E kañonnan tabata di 195 mm i tambe tabatin granatnan no ménos di 100 kilo. Tabatin mester di dies hòmer pa operá e instalashon. Mayoria tabata hendenan lokal ku mester a kumpli ku servisio militar obligatorio na Schutterij. Nan a resultá ekselente den nan trabou.

E ruinan ta den situashon deplorabel. A kombertí e sitio aki

Sitio Inlubidabel©



den un lugá na unda ta depositá sushi ilegal. Suerte ta ku a logra spar sikiera un di e konstrukshonnan na unda e kañonnan tabata instalá. E ta ubiká meimei di al-gun kas di pueblo ku a traha den e área.

Bùnkér di komando

E bùnkér di komando tambe a keda den bon kondishon. Su murayan ta diki, loke sin duda a pone ku e t'ei ainda. No mester hasi masha pa restor'é. Bou dje bùnkér por mira dos kamber bou di tera.

Pa basta tempu a usa e bùnkér aki komo karpinteria, pero despues ku e empresario ei a fayesé e bùnkér a keda bashí atrobe.

Mas aleu e grupo a topa ku e asina yamá 'paradeplein' di e kampamentu i ruina di e baraknan destiná pa e ofisialnan. Na un distansia tin un barak grandi pa e sòldánan.

Maneho

Marina Real tabata enkargá te den prinsipio e siglo aki ainda ku maneho direkto òf indirekto di e sitio di Kustbatterij. Despues sinembargo a pasa e maneho aki pa gobièrnu.

E último manehadó tabata un òf otro iglesia ku tabata akomodá mamanan soltero den nesesidat di akomodashon un refugio pa

nan i nan yunan. Un bunita iniciativa, pero ku ya no ta e kaso mas. Solamente un kas privá tin na e lugá aki ainda. Sobrá di e kompleho ta pará bashí.

E grupo di Speurneuzen a bishitá tambe dos bùnkér di arma i munishon bou di tera na e sitio. A lo ménos esei nan ta kere. Debí na nan konstrukshon sólido esakinan ta den bon kondishon ainda.

François van der Hoeven a skirbi: "E instalashon di Kustbatterij ta impreshonante i den bon kondishon. Por mira ku a yega di usa e sitio aki pa tene fiesta. Tin hende ku kisas ta bishitá e sitio, pero parse ku e no ta un lugá atraktivo pa adiktonan permanesé. Nos a topa ku restunan di kampvür, pero afortunadamente e bùnkernan no ta vulnerabel pa kandela. No por kibra e portanan di betòn di e bùnkernan. Ketu bai nan ta habri i sera."

Monumento

Debí na e konstrukshon fuerte i sólido hopi kos a keda tras di Kustbatterij. E sitio ta konsiderá komo monumento. Na 2012 a pon'é riba e lista di monumento di Kòrsou i pues ta protehá pa lei.

Na añanan 2008 i 2009 algun miembro di Werkgroep Archeologie NAAM a yuda pa yega na protekshon di e monumento aki.

Motor tras di esaki tabata Gerda Gehlen ku e tempu ei tabata hefe di Monumentenbureau di Teritorio Insular di Kòrsou. Ku yegada di Pais Kòrsou e ofisina aki a dispersé, loke a krea un bashí grandi riba e tereno aki.







Foto Van der Molen

Debate a demonstrá esaki bon kla

Aktivistanan di Green Peace falta di profundisashon

KRALENDIJK – E aktivistanan di Green Peace falta di konosementu i profundisashon den e situashon di Boneiru ora ta papia di medio ambiente i naturalesa di e isla. Esaki a resaltá durante un debate ku a tene resientemente na Terra-mar entre algun aktivista di Green Peace. Nan a invitá tambe Eddy Christiaan i Jacky Bernabela pa partisipá den e debate, moderá pa Arian de Wolff.

A pone atenshon na e echo ku segun un investigashon ku Green Peace a laga hasi, un parti grandi di Boneiru lo bai dispersé bou di laman ya aki 50 aña kaba. Esaki lo ta e parti sùit di Boneiru, inkluyendo e kasnan di katibu, konsiderá komo e patrimonio kultural mas tangibel di sklabitut.

E anochi di debate tabata pa entre otro krea konsienzia ku bonerianonan mester realisá ku mester hasi algu, manera tambe pone Hulanda responsabel pa e situashon aki den futuro. Banda di e personanan riba esenario, tur otro hende den e sala por a subi esenario i

ekspresá nan opinion.

Eddy Christiaan su disertashon tabata konserní mas tantu e aspekto marítimo, siendo e mes un pis-kadó te awe.

Loke sinembargo a sinti falta di dje den e debate e anochi ei tabata e echo ku último dékadan no a dediká atenshon sufisiente na mantenshon i konstrukshon di dam i tanki riba e isla, evitando asina ku awa ta bai laman na gran eskala na momentu ku tin yobida fuerte. Ta loke a sosodé dos siman pasá. Tur hende por a mira e problema ku áwaseru a kousa.

Por a evitá sigur parti di e problema aki si a respetá i mantené e damnan di ántes, manera e damnan di Amboina. Na lugá di esaki a duna pèrmit te asta pa traha edifisio práktikamente den e dam aki.

A papia riba uso di outo, proponiendo pa regla transporte públiko mas mihó, bahando asina e kantidat di vehíkulo di motor ku ta transitá kareteranan boneriano.


E aktivistanan di Green



Peace no tabatin argumentonan sólido pa defendé nan ponensianan. Ta bon pa

nan bai studia e situashon di e isla aki, pa por komprondé situashonnan ku ta manifestá aktualmente.

nan bai studia e situashon di e isla aki, pa por komprondé situashonnan ku ta manifestá aktualmente.



25% DESKUENTO RIBA TUR SMARTPHONE

Ora bo djoin Boneiru su ret mas grandi

 **Digicel**
Huntu Mas Mihó

Papa Francisco: Desolashon ta duna e oportunidat di tin un relashon mas bunita ku Dios

Por Almudena Martínez-Bordiú | ACI Prensa

Djarason ei Papa Francisco a bisa ku **“desolashon ta provoká un ‘sakudimentu di e alma’**, e ta mantené nos lantá, e ta faboresé vigilansia i humildat i ta protehá nos di e bientu di kapricho”.

Papa Francisco a kontinuá ku su siklo di katisashi tokante disernimentu den e Oudiensia General ku e ta selebrá tur djarason for di Plasa de San Pedro di Vatikano.

Dilanti e fielnan presente, el a rekordá e 16 de novèmber akí **“lo importante ku ta di lès loke ta move den nos**, pa no tuma desishonnan purá”.

E Tata Santu a sentra su katisashi den desolashon i a splika ku esaki **tambe por ta okashon di kresementu**.

El a sigurá ku **“si no tin un poko di malkontentu, di tristesa saludabel, un kapasidat sano pa biba den soledat i di ta ku nos mes sin hui, nos ta kore riesgo di keda semper den e superfisie di kosnan i nunka tuma kontakto ku sentro di nos eksistensia”**.

Den dje, el a bisa ku **“desolashon ta provoká un ‘sakudí di e alma’**, e ta mantené nos lantá, ta faboresé e vigilansia i humildat i ta protehá nos di e bientu di kapricho”.

Ademas, el a señalá ku **“esakinan ta kondishonnan indispensable pa progreso den bida, i pues den e bida spiritu-al”**.

Tambe el a invitá esnan presente pa evitá e indiferensia i un serenidat perfekto pero **“limpi”** i a rekordá kupa hopi santu, manera San Agustín de Hipona òf Charles de Foucault, **“intranquilidat tabata un impulso desisivo pa duna un giro e propio bida”**.

Papa Francisco a splika ku desolashon ta tambe **“un invitashon na e parti gratis ku ta duna nos e oportunidat pa kuminsá un relashon mas bunita ku Señor”**.

El a bisa ku, **“ounke lo a parse raro i ireal puntra Señor: ‘kon ta ku Bo?’**, **“e ta sin embargo un manera mashá bunita di drenta den un relashon berdadero, sinsero, ku su humani-**

dat, ku su sufrimentu i tambe ku su soledat úniko”.

El a aña **“e ta hasi nos hopi bon di ta kuné, sin otro fin, eksaktamente manera e ta sosodé ku nos ku e personanan ku nos ta stima”**.

Por último, el a bisa ku **esun ku ta resa sa ku “éksitonan ta imprevisto”** i a invitá fielnan pa nunka desanimá dilanti difikultatnan, **“sino konfrontá e prueba ku desishon, ku yudansa di e gracia di Dios ku nunka ta laga nos na kaya”**.

“I si nos skucha den nos paden un bos insistente ku ke distraí nos di e orashon, laga nos siña na desenmaskar” é komo bos di e tentador; i no lag’**é** impreshoná nos: simplemente, laga nos hasi presisa-



mente lo kontrario na loke e ta bisa nos!”

Solemnidat di Kristu Rei
Despues di su katisashi,

Papa Francisco a rekordá ku djadumingu próksimo nos ta selebrá e solemnidad di Kristu Rei.
Ta pesei, el a pidi pa konfia

“na Señor tur tribulashon di nos tempu den e siguransa ku for di e Krus El a vense malu i morto”.

Dios ta e protagonista den orashon

Di dos i último parti

- Dios semper ta skucha nos i ta kontestá nos, pero for di e perspektiva di un amor mas grandi i di un konosementu mas profundo ku esun di nos. Ora ta parse ku E no ta satisfasé nos deseonan konsediendo na nos loke nos ta pidi, pa noble i generoso ku nos petishon ta parse nos, en realidat Dios ta purifikando nos deseonan den rason di un bon masha grandi ku hopi biaha ku frekuensia ta surpasá nos kompreshon den e bida akí. E desafío ta «habri nos kurason» alabando Su Nòmber, buskando Su Reino, akseptando Su Boluntat.

- Ora bo ta resa bo mester ta konsiente di ku orashon no ta nifiká únikamente pidi Dios algu o buska yudansa partikular, maske di bèrdat orashon di petishon sea un moda outéntiko di orashon. Orashon, sin embargo, mester karakterisá su mes tambe dor di adorashon i skuchamentu atento, pidiendo pordon na Dios i implorando pordon di pikánan.

- Orashon mester bai promé ku tur kos: esun ku no ta komprond’é asina, esun ku no ta praktik’é, no por tin e èkskü di falta di tempu: loke falta ta amor.

- Akaso no ta poko biaha nos ta sinti e tentashon di pensa ku Dios no ta skucha nos òf ku E no ta kontestá nos. Pero, komo di forma sabí nos ta rekordá san Agustín, Dios konosé nos deseonan inkluso promé ku nos manifestá nan. E ta afirmá ku orashon ta pa nos probecho, pues ora ta res «nos ta pone nos mes pa obra» nos deseonan, di tal manera ku nos por optené loke ya Dios ta dispuesto pa konsedé nos. E ta pa nos un oportunidat pa «habri nos kurason».

- Pa resa tin ku perkurá pa den nos tin un profundo silencio interior. Orashon ta berdadero si nos no ta buska nos mes den orashon, sino únikamente Señor. Tin ku identifiká bo mes ku e boluntat di Dios, teniendo e spiritu, dispuesto na un total entrega Na Dios. E ora ei nos ta duna kuenta di ku hinter nos orashon ta dirigí su mes, pa su propio naturalesa, te na e orashon ku Hesus a siña nos i ta kombertí den su úniko plegaria den Getsemani: «No mi boluntat sea hasi, sino esun di Bo.»

- Por definí orashon di hopi manera. Pero lo mas



frekuente ta yam’é un diálogo, un kombersashon, un entretenimentu ku Dios. Ora nos ta kombersá ku un hende, nos no ta papia únikamente sino ku ademas nos ta skucha. Orashon, por tantu, ta tambe un skuchamentu. E ta konsistí di pone bo mes den skucha e bos interior di e gracia. Pa skucha e yamada.

- Hende no por biba sin resa, mesun kos ku e no por biba sin hala rosea.

- Atraves di orashon, Dios ta revelá su mes na promé lugá komo Mizerikòrdia, kier men, komo Amor ku ta bai na e enkuentro di e hende ku ta sufri. Amor ku ta sostené, ku ta lanta, ku ta invitá na konfiansa.

- E intervenshon humanitario mas poderoso ta sigui

di ta semper orashon, pues ta un enorme poder spiritual, prinsipalmente ora e ta bai kompañá pa sakrifisio i sufrimentu.

- Orashon ta tambe un arma pa esnan debil i pa hopi ku ta sufri algun inhustisia. E ta e arma di e lucha spiritual ku ta libra Iglesia den mundu, pues e no ta disponé di otro armanan.

- San Pablo, resando mei mei di difikultatnan di bida, a skucha e palabranan akí di Señor: «Te basta mi gracia: ta realisá forsa den debilidad.» Orashon ta e promé i fundamental kondishon di e kolaborashon ku e gracia di Dios. Ta un nesesidat resa pa optené e gracia di Dios i mester resa pa por kooperá ku e gracia di Dios.

Skibi pa: Rutzen Lucas



notisiakatoliko@gmail.com

Komo promé munisipio

Nijmegen ta kompensá kosto kambio registrashon di sekso

HULANDA – Muni-
sipio Nijmegen komo pro-
mé munisipio na Hulanda
entrante otro aña ta paga e
kostonan pa un prueba di
identifikashon nobo sí hen-
denan ke pidi un dokumen-
to nobo debí na kambio di
sekso. Aña pasá un mayoria
di e konseho di munisipio a
bai di akuerdo pa un kom-
pensashon di kosto asina.

Deklarashon di un
eksperto ku ta nesesario
pa e kambio di sekso den
dokumento ofisial, tambe
lo keda kompensá entrante
otro aña, Omroep Gelder-
land ta skirbi.

E kompensashon pa
kambio di registrashon di
sekso mester keda tumá den
e lei komunitario di sosten,
Vmo. E adaptashon di e or-
denansa di Wmn entrante
otro aña ta drenta na vigor,
pero e regulashon ta konta
ku forsa retroaktivo. Esaki
ta enserá ku e kostonan di
kambio di registrashon di
sekso na 2022 ainda mester
keda kompensá.

Nijmegen ta yama su
mes 'Regenboogstad' i di
e manera akí ke reforsá e
aseptashon i posishon di
habitantenan lhbtqi+ den e
siudad i region.

Mas ku trinta aña e
maneho di regenbog i es-

fuerzo riba e tema akí a
logra hopi i ta hasi ku Nij-

megen tin un posishon di
adelanto.



Muhé estafá pa kasi 20 mil euro

HULANDA – Un muhé
di 64 aña di e munisipio
Aa en Hunze, a keda es-
tafá pa mas di 17 mil euro

dor di froude di e seshon
di yudansa di banko. El a
bira víktima di kriminalnan
ku tabata sali dilanti komo

trahadó di banko i asina
apoderá di su number di
karchi di banko.

E froude a tuma lugá

dia 21 di sèptèmber e aña
akí. Un dia mainta e muhé
a risibí yamada di e tra-
hadó di banko pa instalá un
software riba su kòmputaer.
Despues ku e trahadó di
banko a bini su kas, den bon
konfiansa e muhé a konfi'è
i dun'é mas karchi di banko
i kódigo di pin.

Segun polis, ta trata aki
di un muhé di entre 20 i 30
aña di mas òf ménos 1.70
meter. E sospechoso akí
tabatin kabei largu koló
blònt.

Seguidamente a pin na
mas lugá ku e karchinan
hòrtá. Esaki a sosodé entre
otro na Annen. Polis ya sa

kaba di ken ta trata, pero
tin mas sospechoso enbolbí
den e froude.

Un otro sospechoso a pin
mas ku 17 mil euro den e
siudad Groningen. Esaki el
a hasi den un pakus di tele-
fòn, pakus di elektrònika i
un hoyeria. E víktima a bin
kai ariba muchu lat ku el a
bira víktima di froude di e
seshon di ayudo di banko i
dor di esei no por a evitá e
transakshonnan.

Awor polis ta en buska
di e hòmer ku a hasi e
kompranan na Groningen
ku karchi di e muhé. E ta
rekonosibel den imágen.



Netwerk vürwèrk ilegal desmantelá

HULANDA – Siman
pasá polis a detené dos per-
sona na Achtkarspelen na
Friesland pa negoshá den
vürwèrk ilegal. Segun polis
nan tabata hasiendo esaki
riba e media sosial Tele-
gram. Den un grupo riba
e plataforma tabata ofresé
vürwèrk prohibí i eksplo-
sivo riba eskala grandi na
700 miembro. Den e grupo
di Telegram e negoshan-
tenan tabatin bin den kon-

takto ku otro. Nan tabata
kumpra vürwèrk for di otro,
tin biá dor di bende i otro
biá pa uso propio, polis ta
bisa. E manehadó di e grupo
ta un hòmer di 20 aña. A
deten'é riba sospecho di ne-
goshá den vürwèrk prohibí.
A detené tambe un muhé di
43 aña pa mesun motibu.

Segun polis, e manehadó
di e grupo ku tabata usa e
nòmber 'Yourplug050', a
keda detené despues di un

investigashon largu na su
kas. Ei nan a haña bòn-
nan di mortir, plaka kèsh i

un telefòn. Polis a tuma e
maneho di e grupo over i
a pone un mensahe. A hasi

yamada na e miembronan
pa stòp ku e aktividat i a at-
vertí nan.



STATIA/SABA/ST. MAARTEN

Inisio grupo di enfoke Kuido i Hubentut Karibe Hulandes

STATIA -- Riba 17 di novèmber sekretario general suplente, Abigail Norville, di e ministerio di salubridat, bienestar i deporte, VWS, a presidí e promé reunion di e grupo di enfoke kuido i hubentut Karibe Hulandes, ZJCN.

E grupo di enfoke tin komo tarea pa trese kaso relashoná ku kuido na atenshon di ZJCN. ZJCN a haña Ingra Bennett i Riana Bennett dispuesto na konseshá ZJCN na St. Eustatius.

Tabata un reunion bon i fruktífero. Meta di e grupo di enfoke ta pa di manera

proaktivo kompartí tep i preokupashon ku ZJCN.

ZJCN den e di dos kuartal di 2022 a inisiá ku reklutashon di e grupo di enfoke St. Eustatius. E grupo lo ta formá pa tres miembro ku lo tene kombersashon un biá kada dos luna ku ZJCN.

ZJCN lo trese desaroyo importante den e sektor di kuido na konosementu di e grupo pa di e manera akí inkorporá su konseho den un etapa mas tempran.

Den 2023 lo realisá un grupo di enfoke pa Saba i Boneiru.



Riana Bennett, Abigail Norville i Ingra Bennett.

Saba i VWS a papia tokante mehorashon di traslado médiko

SABA- Entidat Públiko Saba (EPS) i un delegashon di ministerio di Salubridat, Bienestar i Deporte(VWS)

riba 17 di novèmber a deliberá tokante traslado médiko. Durante e kombersashon OLS a kompartí su

preokupashonnan ku Sekretario General suplente Abigail Norville di VWS.

VWS ta tuma e preokupashonnan akí na serio. Na mei di e aña akí a hasi e promé palabrashonnan nobo. E palabrashon di mas importante ta e proyekto piloto tokante traslado direkto pa Medical Center (SMMC). Esei ta nifiká ku ZJCN no mester di duna pèmit mas di antemano pa un traslado. E espektativa ta ku esaki lo aselerá e proseso i ku e proseso lo

kana ménos burokrátiko. E proyekto piloto a start riba djaluna 21 di novèmber.

OLS ta preokupá ku e proseso relashoná ku traslado médiko i ku ta tuma muchu tempu pa haña un afsprak ku un spesialisista. Sí e asegurado ta di opinion ku algu no ta bon reglá òf ta dura muchu largu, e ora ei e por entregá un keho via e prosedura di keho normal di ZJCN. Tambe OLS ta pidi atenshon tambe pa transporte di pashènt ku avion den kaso di traslado

médiko. Por ehèmpel ta haña e avion muchu chikitu i pa e motibu ei no ta sinti nan mes tur ora seif.

E kombersashon a kana di manera konstruktivo, durante kua VWS a duna di konosé ku lo bai investigá e posibilidat pa hasi mas uso di Winair pa transporte di pashènt. Sekretario di estado Van Ooijen tin intenshon di bishitá Saba den desèmber, durante kua e lo diskuti adelanto di e mehorashonnan.



Premio kultural ‘Honoring Soualiga’s Cultural Icons’

ST. MAARTEN – St. Maarten ta progresando den bon direkshon den

e mayoria kultural karihense i e konsentrashon kreativo. No solamente e

diversidat kultural, pero tambe e vibrashon artístiko, resiliensia i inovashon. Meta di ‘Sage Cultural Award’ ta pa krea un plataforma kaminda ta demostrá kreativitatnan lokal i premia na e nivel haltu.

E evento di gala lo brasa e elegansia kultural i ta konsistí di un anochi di selebrashon, konmemorashon, entretenementu i baile. E intenshon ta pa stimulá konsientisashon

kultural di e dinámiko ‘Cultural Creative Industry’ (CCI) i su komponentenan prinsipal.


Un evento asina ta kurashá empresarionan pa kontinuá mehorá nan produktonan kreativo i servisio dunando un balor na e evolushon kultural aktual di St. Maarten.

E evento ta tuma lugá dia 26 di novèmber na ALEEZE Convention Center & Event Hall.

Camille E. Baly tabata

e anterior hefe di e departamento di kultura i un kampion di patrimonio kultural di St. Maarten i historiadó, pa kua su famia lo risibí e ‘Visionary of Cultural Legacy Award’ spesial na su honor.

Adishonalmente dies pionero kultural di St. Maarten selektá via di un komishon selektivo, lo risibí nan ‘Sage Cultural Award’ individual riba mesun anochi.



Reunion a bay den bon ambiente

Comerciantenan a reuni cu Minister Arends y Minister Wever tocante Aruparking

ORANJESTAD -- Dia-bierna ultimo Minister Ursell Arends, kende ta en-carga cu transporte, hunto cu su colega Minister Geoffrey Wever di asuntonan economico, a reuni cu un grupo di comerciantenan di caya grandi pa toca e tema di Aruparking.

Manera Minister Arends a duna di conoce caba, entrante januari Aruparking lo cuminsa intensiva su control di parkeo den area di caya grandi. Esaki ta trece su preocupacionnan pa comerciante nan den caya. Pa es motibo a pidi un reunion cu e mandatario pa asina dialoga, puntra cualkier

pregunta of vocifera preocupacionnan.

Durante e encuentro Minister Arends no solamente a reforsa nan deseo pa tin parkeo organisa, pero tambe tabata tin un dialogo habri riba oportunidadnan pa comercio den e area en general.

“Mi ta contento di por a topa e comerciante nan awe hunto cu mi colega Minister Wever”, Minister Arends a cuminsa na bisa. “Nan (comerciantenan) a trece diferente ideanan dilanti cu sigur nos lo tuma den consideracion. Na final di dia mester wanta e dialogo habri pa asina yega na e

miho solucion pa cu parkeo den centro di ciudad.

Minister Wever cu tambe a forma parti e e reunion a tende di e preocupacion cu e comerciantenan tin, y nan input pa cu caya gran-

di. Minister Wever ta bezig cu proyecto grandi pa cu centro di ciudad pa stimula e volumen di trafico di hende, y drecha e factibilidad comercial pa e area.

En general un reunion

sumamente fructifero y den bon ambiente, caminda esfuersonan pa cu parkeo estructura, y tambe pa cu desarrollo di centro di ciudad ta demostra di keda esencial pa ambos stakeholders.



HOH cu atencion riba kico ta resistencia pa antibiotica

ORANJESTAD -- E siman aki ta celebra World Antimicrobial Awareness Week, esta un siman unda mundialmente ta pone enfasis riba e uzo corecto di antibiotica. Esaki ta encera e indicacion corecto, den e dosis corecto y e duracion corecto pa asina nos frena e microorgan-

ismo resistente pa antibiotica (superbug).

Di 18 pa dia 24 di november nos ta para keto un rato riba esaki y e aña aki e team, esta HOH su A-Team (Antibiotics Team) tras di esaki ta pone extra atencion riba alergia pa antibiotica. “Resistencia pa antibiotica ta un prob-

lema mundialmente conoci na hospitalnan.

Durante e siman aki na HOH ta enfoca riba alergia pa e grupo di antibiotica penicilline pero tambe en general. Profesionalnan den cuidado medico hopi biaha ta en-contra pashentnan cu ta informa of registra cu nan

tin un alergia pa antibiotica. Mayoria di biaha pa e grupo di penicilline. Esaki por tin consecuencia cu e pashent ta haya antibiotica di ‘second choice’ cual cu por ta menos efectivo pa trata e infeccion of tin mas efecto secundario.

Ademas, investigacion internacional a deduci cu si un persona a yega di ta alergico pa cierto antibiotica esaki por resolve su mes despues di tempo. Ta importante pa tin tur informacion tocante e pashent su historia di remedi y cualkier alergia asina Internista Jaclyn de Kort ta splica.

Jacomien Aleman, Boticario na HOH ta conta cu “dunado di cuidado lo combersa cu e pashent tocante su alergia di antibiotica. E dunado di cuidado por ta un dokter, un nurse of empleado di botica na Hospital. Ta puntra informacion tocante e alergia, cuanto tempo pasa

tabatin e alergia y tambe con severo e ta. Despues por registra esaki den e sistema electronico di prescribi medicamento na hospital. Si despues un otro persona ta prescribi e remedi aki e lo haya un aviso estilo ‘pop-up’ cu ta adverti contra y hasta si ta un alergia severo e lo wordo blokia.

Consecuentemente, e remedi no por wordo prescribi mas pe pashent. Pa Hospital pues, ta importante pa tin un bon registracion pa asina evita uzo innecesario di antibiotica cu por tin consecuen-cianan pe pashent manera efectonan secundario y admision mas largo den hospital ademas cu banda di esaki ta crea resistencia pa antibiotica (antimicrobial resistance). Na final, esaki ta solamente ne beneficio y calidad di cuidado pa pashentnan. Ban sea consciente cu nos medicamento.



ARUBA

RAIZ a drenta ambiente di campaña electoral uzando Serlimar

ORANJESTAD -- Un comunicado di prensa un tiki straño a wordo emiti ayera mainta dor di Minister di Medio Ambiente Ursell Arends, caminda ora cu analisa contenido di e comunicado, e ta practicamente confirma cu partido RAIZ tambe a uni su mes na partido MEP, den e ambiente electoral cu Prome Minister a anuncia.

Minister Arends uzando Serlimar como un arma politico, a purba di duna un historia breve di e compania cual a bira un atake di propaganda politico contra rivalnan politico, en particular contra di AVP. Henter e forma con e comunicado aki a ser presenta, ta confirma cu partido RAIZ tambe ta preparando pa eleccion mescos cu lider di MEP, Evelyn Wever Croes a anuncia algun siman pasa, esta cu MEP ta cla pa campaña. Lider di RAIZ, Ursell

Arends a piki un tema cu ta masha delicado mes y caminda e mes ta confirma cu su persona como Minister encarga, no ta bon na altura di henter e historia politico di Serlimar.

Loke a hala hopi atencion ta e hecho cu den henter su atake politico cu e historia di Serlimar, a menciona mas tanto dos ex Minister di AVP cu ta Benny Sevinger y Mike de Meza y acerca menciona Booshi Wever kende tabata responsabel pa Serlimar como Minister di partido MEP.

Sea cu Ursell no tabata bon na altura di e historia real di Serlimar of simplemente el a copia e forma di hiba campaña di partido MEP cu tin custumber di uza cosnan cu no ta cuadra cu realidad.

Pa un motibo of otro, Minister Arends den su comunicado a duna e im-



presion cu el a lubida por completo, loke a bin a bin ta tumando luga for di 2017 te cu awor aki cu su persona ta encarga cu Serlimar. Ni un letter e mandatario a gasta den su comunicado caminda a bay den historia, c'un Minister di gabinete Wever Croes I, esta Marisol Lopez Tromp, a wordo retira como Minister despues cu el a denuncia actonan ilegal y corruptivo di ex Minister Otmar Oduber den su maneho di Serlimar.

Tambe ta marca pa histo-

ria cu algun di parlamentarianan cu ta sostiene su persona den e actual gobierno di coalicion, den pasado a honra ex Minister Otmar Oduber, no uno pero cu dos ovacion den Parlamento, ora cu mescos cu Minister Ursell Arends ta haciendo aworaki, pa su sublime plan cu e tabatin pa converti Serlimar den un compania cu por carga su mes. Na dos ocasion Parlamento a duna ex minister Oduber miyones pa yuda Serlimar bay dilanti, pa e por para riba su mes pero pa algun luna despues ora cu Oduber a retira como Minister y como politico, a bin resulta cu Serlimar, apesar di tur e miyonna extra cu el a ricibi, tabata na rand di bancarota.

Loke tambe a demostra cu e lider RAIZ ta riba un tipo di "campaña mode" ta e hecho cu el a acusa Mike de Meza como minister encarga cu Serlimar, lo a

inverti miyones den marketing, hinca e compania den mas problema serio. Sinembargo nunca Mikwe de Meza tabata encarga cu Serlimar y e miyones cu a bay pa marketing, a sosode den e periodo di ex minister Otmar Oduber, kende a dicidi di cumpra trucknan nobo, mientras cu esunnan cu Serlimar tabata uzando, ainda tabata den bon estado. Den mesun periodo aki, Minister Oduber di gabinete Wever Croes, a dicidi di saca Serlimar for di su edificio na San Nicolas y hinca esaki den un edificio c'un sponsor di partido POR tabata doño di dje, sin cu e proyecto aki a logra di wordo concretisa.

E comunicado di Minister Arends a duna e impresion cu su famoso logo politico cu "Nos no ta Nan," a cambia formalmente den un tipo di "Nos ta mescos cu Nan."

Minister Ursell Arends:

Un vision pa Parke Marino y un maneho pa nos naturalesa

ORANJESTAD -- Minister Arends ta felicita Parke Nacional cu nan workshop encuanto maneho marino na Aruba y den Caribe. Pa varios aña, Aruba a pone prioridad riba desaroyo economico cu a

perhudica nos naturalesa. "Nos tin e ambicion pa amplia e actual parke marino na uno cu rondona ful nos isla". Esaki ta forma parti di su vision di planificacion pa e uzo du nos lama.

Un Parke Marino cu ta

rondona nos isla, en bes di prohibi actividadnan, lo crea un roadmap pa con nos por balansa e uzo di nos lama y e conservacion di nos naturalesa. Pa es motibo, Aruba a haci un compromiso boluntario durante

e conferencia di Lama di Nacion Uni na juni 2022 pa amplia e Parke Marino.

Como un isla dependiente di importacion y turismo, nos ta uza nos lama pa varios actividad e.o. transporte maritimo, watersport, pesca y construccion sin fin. Dicho actividad por a expande sin limitacion y sin input di e varios stakeholders marino. Sinembargo, actividadnan riba lama por crea conflicto y tin un impacto grandi riba nos bida marino.

Un Parke Marino y maneho efectivo por limita algun efecto dañino. Alabes, e proteccion di nos recurso y especie marino ta rekeri un bista amplio di comienso te fin di e ciclo di awa (source-to-sea) unda fuente di polucion y otro daño por ser mitiga. Minister Arends ta enfoca riba varios aspecto pa e protec-

cion di naturalesa, specialmente riba e Derecho di Naturalesa y Derecho di nos Lama.

Naturalesa tin su atencion y por mira esaki den e esfuerso pa cera Dump Parkietenbos, instala un RWZI nobo na Bubali Plas y stimula sector di procesa desperdicio. Pero esaki ta solamente un parti di mitiga daño, nos mester educa nos comunidad pa asina respeta, conserva y proteha nos naturalesa y recurso natural.

Minister Arends ta orguyoso di por a habri e workshop tocante maneho marino y ta felicita Parke Nacional Aruba y DCNA pa realisa e evento aki.

Minister Arends ta desea un encuentro educativo unda participantenan local y internacional por intercambia conocimiento.



Awe último dia pa registrá pa 'Indebonloop'

KRALEDIJK--Awe djaweps 24 di novèmber 2022, ta e último dia pa registrá pa "Indebonloop" ku ta unu tres den unu.

Esaki ta tuma lugá djadumingu awó 27 novèmber 2022.

Indebon ku ta e instituto di deporte di Gobièrnu di Boneiru, e fin di siman binidero, pa ta mas eksakto djadumingu awó 27 novèmber 2022, ta organisá un asina yamá "In-

debonloop" ku ta tres den unu.

Ta trata di kareda na pia di 15KM, kana tambe ta 15KM i kore baikel ku ta di 28KM.

Tur ta start mesun ora na Jossy Boekhoudt Ballpark. Tur partisipante mester t'ei foi mainta tempran ya ku mitar di she-te en punto ta kuminsá. Manera ya nos a trese na publisidat, e dos dianan pa registrá pa esaki ta-

bata ayera djáron 23 di novèmber i awe djaweps 24 novèmber di 6or atardi pa 8or anochi na ofisina di Indebon Kompleho Deportivo Jorge Nicolaas na Kaya Amsterdam.

Momentu kubo registrá bo ta haña tambe bo shirt completamente grátis.

No tin nada di paga ni pa kore, ni kana na pia i tampoko kore baikel. Sòru si p'abo registrá pa por partisipá den esaki.

La Tropicana 5-4 riba The Untouchables

KRALEDIJK--E ekpo di biliart bola-8 di Rincon ku ta La Tropicana, djamars último den kontinuashon di kampionato 2022 di biliart bola-8 di nos isla, a gana di The Untouchables di Antriól Pariba, esaki ku skor pèrtá di 5-4.

Tabata The Untouchables a sali bai dilanti 4-0 pa despues La Tropicana reakshoná, bòn i bin bèk den e partido.

Despues di tabata tras 3-0, La Tropicana ta gana tres sigui

pa empatá e partido 3-3.

The Untouchables ta

gana un mas pa bai den bentaha di 4-3, loke tabata tur kos tambe pa e ekipo aki, ya ku despues di esaki La Tropicana ta gana dos sigui pa empatá 4-4 i pasa dilanti 5-4 pa gana e partido.

La Tropicana pues ta bai ku e viktoria di 5-4 riba The Untouchables.

Despues di e partido aki e kampionato ta sigui awe djaweps 24 novèmber 2022 ku otro partido di e kampionato.

Pa awe nochi mitar di ocho, ta enfrentá otro e ekiponan Azteca di Nort Saliña i Mastertouch di Kaminda Nikiboko Sùit.

Bleki kamuflá ta drenta stadion



Di tur manera fanátikonan ta trata na despistá siguridat na stadionnan na Qatar. Awor ta kamuflá bleki di serbes dor di pone etikèt di limonada riba nan. Personal di siguridat atento a logra deskubrí e sistema akí a konfiská diferente di e blekinan aki.



OPENBAAR LICHAAM
BONAIRE



REUNION KOMISHON FIHO MANEHO I SOSTEN

Un reunion di komishon fiho lo tuma lugá riba djamars 29 di novèmber 2022 **pa 14.00** or den sala di reunion di Konseho Insular den Passangrahan.

Agènda:

1. Apertura / partisipashon;
2. Oportunidat pa suidano hiba palabra;
3. Stipulashon di agènda;
4. Stipulashon di un relato kòrtiku i lista di desishon di 14 di òktober 2022 (ER-2022000563);
5. Splikashon di diseño di ordenansa insular pa kambio di evaluashon di ordenansa di impuesto di turista Boneiru 2022 (ER-2022000640);
6. Splikashon di diseño di ordenansa insular pa revokashon di impuesto riba awa shushi Boneiru 2021 (ER-2022000660);
7. Klousura

Pa tratamentu di punto di agènda 5 i 6 ta invitá Kolegio Ehekutivo. Ta publiká e konvokashon akí riba e parti públiko di e sistema di informashon di Konseho Insular (www.konsehoinsular.com) i te asina leu ku ta aplikabel, manera ta kustumber ta pone e dokumentunan enbolbí disponibel pa tira bista aden na grefi. Ta transmití e reunion 'live' atraves di Nos Tv i Dutch Caribbean TV i via radio atraves di Alfa FM 93.1. Por sigui e reunion tambe riba nos página di Facebook i youtube..

E.E.J. Tjin Asjoe
Presidente



Groei met behoud van natuur en cultuur



COPA MUNDIAL DE QATAR 2022™
FASE DE GRUPOS – FECHA 1
JUEVES 24 DE NOVIEMBRE DE 2022



	SUIZA	GRUPO G	CAMERÚN	
		04:00 MEX – 13:00 QAT		
Estadio Al Janoub - Al Wakrah				
	URUGUAY	GRUPO H	COREA DEL SUR	
		07:00 MEX – 16:00 QAT		
Estadio Ciudad de la Educación - Rayán				
	PORTUGAL	GRUPO H	GHANA	
		10:00 MEX – 19:00 QAT		
Estadio 974 - Doha				
	BRASIL	GRUPO G	SERBIA	
		13:00 MEX – 22:00 QAT		
Estadio Icónico - Lusail				

Realizado por @Guia_FutbolTV

**Pa info i komunikado den
Extra/BONERIANO**

mail:

extrabon@gmail.com


Pa aviso mail:

avisobon@gmail.com

Skirbí pa: Rudy Domacassé



Kustumber ta haña poder



People do not decide their futures, they decide their habits and their habits decide their futures.

F. M. Alexander

Mi ta di kuerdo ku kustumber ta determiná futuro. Pero kustumber ta haña un poder mas grandi sí e ta resultado di:

1. Programashon:

un pensamentu ekspresá ku palabra (na prinsipio tabatin palabra i e palabra ta Dios). Usando p.e. afirmashon, etc.

2. Karga:

e pensamentu/ekspreshon kargá ku energia. Vários manera pa hasi esaki.

Masakre di papiamentu

**PAPIAMEN
TUTU**

E Konseho Insular ta e órgano di gobernashon di mas haltu na Boneiru. E Konseho Insular ta indiká Kiko tin ku sosode na Boneiru i ta vigilé e trabou di Kolegio Ehekutivo. E 9 miembran di Konseho Insular ta keda eligí dor di suidadanonan di Boneiru.

E órgano mas haltu di nos isla, esun ku probablemente ta bai aprobá un maneho di papiamentu pa Boneiru, manera e kachónan di mondi ku ta masakrá kabritu, ta masakrá papiamentu.

Ku gana mi a keda

Pa hopi aña mi ta purba biba i kome salú. Último aki, mi ta desvia un tiki. Ayera nochi mi a kai totalmente. Ta un amigu a pasa na kas. E tabata bai kumpra kuminda. Nèt mi tabata kibra mi kabes kon mi ta bai solushoná e problema di tur dia pa pone algu den tayó. No tabatin masha kos den kas i el a pone mi pensa. Kiko e ta bai kumpra? Saté ku batata. Saté ku batata? Mi tin shen aña sin kome esaki. No ta algu ku ta kuadra ku mi dieta. Pero kushina ta bashí, ta algu dñer so tin den mi pòtmòni i mi barika ta gruña. Mi a sukumbí. Mi a saka tur loke mi tabatin den mi pòtmòni i el a bai. El a bai un biá largu. Hopi largu. Miéntas mi tabata warda, mi tabata identifiká mi mes ku muchanan ku ta bai skol sin kome.

Saté ku batata.



Tatanan ku ta bai trabou ku hamber. Mi mester a traha, pero no por a konsentrá. Boka tabata kore awa pensando riba algu ku mi sa savoriá den pasado. Tirando bista pafó kada ratu, sin ningun moveshon. Barika a sigui gruña, mas i mas. Mi a legumai trabou i kai drumi. Mi no tabatin forsa mas. Algun ora a pasa i awor aki, un dia despues, ketu bai mi ta warda.



UP TO
**60%
OFF**

on selected
baby items

HOT
price

also
available in



SLEEPER
SOFA **\$495**

END TABLE

REDUCED PRICE
\$147



40%
OFF

*riba artíkulonon selektá

TE KU 70% OFF*

**FIN DI
AÑA**

UP TO 70% OFF*



AERONAUTICAL
CHILDREN BED

REDUCED PRICE
\$194



70%
OFF

City Shop

Smart shopping ► Better living

🏠 Kaya International #36

☎ +599 717.36.66

🌐 www.cityshopbonaire.com

✉ info@cityshopbonaire.com

📘 City Shop Bonaire

📞 +599 700.64.42

Mega BLACK FRIDAY SALE

Bonaire Super Store

25th Nov, 2022 5:00 AM - 8:00 PM
 26th Nov, 2022 9:00 AM - 7:00 PM
 27th Nov, 2022 10:00 AM - 6:00 PM



Hisense

32" LED Smart TV \$159
 40" LED Smart TV \$199
 58" 4K UHD LED Smart TV \$479



32" LED Smart TV \$299
 43" 4K Ultra HD Smart LED TV \$439
 50" 4K Ultra HD Smart LED TV \$549
 55" 4K Ultra HD Smart LED TV \$625
 65" 4K Ultra HD Smart LED TV \$775



32" LED Smart TV \$229
 43" LED Smart TV \$349
 65" 4K Ultra HD Smart LED TV \$649
 70" 4K Ultra HD Smart LED TV \$850
 75" QLED 4K UHD HDR Smart TV \$1149



32" LED Smart TV \$129
 43" 4K Ultra HD \$199
 50" 4K Ultra HD Smart LED TV \$299
 55" 4K Ultra HD Smart LED TV \$375

LG XBOOM Hi Fi System - 230W



XBOOM Music System - 480W \$125

XBOOM Hi Fi System - 720W \$189

Pioneer 6" x 9" 4-Way Speaker



\$69

Pioneer Digital Media Receiver with Bluetooth \$75

OSKA Portable Radio 4 Band



\$999

OSKA Portable Radio 4 Band \$699

OSKA Portable Radio 4 Band



\$699

OSKA Portable Radio 4 Band \$699



Inverter Air-Conditioners

Hisense	9000 BTU	12000 BTU	18000 BTU	22000 BTU
\$375	\$399	\$525	\$699	

LG Inverter Air-Conditioners DUAL COOL	9000 BTU	12000 BTU	18000 BTU	24000 BTU
\$499	\$525	\$725	\$899	

SAMSUNG Galaxy Tab



8" 4G \$159

10" 4G \$249

HYUNDAI Tablet 7" 3G-16GB



\$55

ASUS 14" Laptop



\$199

LG Single Door - 7 cuft \$375
 Double Door - 9 cuft \$650
 Double Door - 11 cuft \$675
 Double Door - 15 cuft \$750

OSKA Double Door - 7 cuft \$399
 Double Door - 9 cuft \$475
 Double Door - 11 cuft \$499
 Double Door - 12 cuft \$550

Midea Double Door - 7 cuft \$425
 Double Door - 8 cuft \$499
 Double Door - 14 cuft \$725

Hisense Double Door - 14 cuft \$599

Chest Freezer



Midea 3.5 cuft \$225

5 cuft \$275

OSKA 12 cuft \$499



SAMSUNG Galaxy



A03 Core 32 GB	\$115	A23 128 GB	\$275
A03s 32 GB	\$139	A32 128 GB	\$299
A04s 32 GB	\$159	A33 5G 128 GB	\$335
A13 64 GB	\$179	A53 5G 128 GB	\$450
A22 128 GB	\$225	A73 5G 128 GB	\$525
A23 4G 64 GB	\$225		

Semi Automatic Wash Machine



Hisense 11 KG \$169

OSKA 12 KG \$275

OSKA 15 KG \$299

Full Automatic Wash Machine



Hisense 21 KG \$499

OSKA 12 KG \$375

SONASHI 18 KG \$525

OSKA 12 KG \$499

LG 20 KG \$699

Front Load

\$499

\$375

\$525

\$499

\$699

Top Load

\$499

\$699

Gas Stoves with Glass



OSKA 20" \$159

24" \$175

30" \$199

Indurama 20" \$199

24" \$375

30" \$799

LG 30" \$799

All LED TV'S , Music Systems, Refregerators, Wash Machines, Gas Stoves Mobiles At Store Are On BLACK FRIDAY SALE

Kaya Amsterdam 9, Kralendijk, Bonaire, Ph. 701-1717

Like us on Facebook /Bonairesuperstore